



Yeesus Kristus
is te eensiche rëter

Tii tuut en puup uf te welt pringe, un tuu solst em
Yeesus nēne, wayl Ėyer tuut sayn folek fon sayn sinte
rēte. Mateus 1:21

Wayl Kot ti wēlt soo keliipt hot, tas Ėyer sayn eensiche
Soon kēp hot, tas yeete eene woo aan tēm klaapt, nēt
fernicht wērt, awer tas eewiche leepe kriit. João 3:16

Yeesus hot tēm kesaat: “Ich sin te weech, ti woerheet un
tas leepe.” Nimant khomt tsum fater wēn nēt torich
mich. João 14:6

Un këpts kheer aner naame unich te himel woo fer ti mënxe këp is, woo mëyer rëte khëne.” Atos 4:12

Wayl, ëyerst, hon ich fer aych in kelërnt was ich aach kriit hon: Kristus is fer unsere sinte kextorep, soo wii ti Xrifte xteet. un tas tee kextorep is, un tas tee am trite taach fom toot uf kextii is, soo wii ti xrifte saan: 1 Coríntios 15:3-4

In tēm hon mer ti frayheet torich sayn pluut, ti fertsayung fon unsere sinte, torich te raychtum fon sayn unfertiint kuutheet. Efésios 1:7

Es këpt fier woerheete woo mer pëser ferxteen mise:

1. Kot tuut tich soo fiil liipe.

Tee wil hon tas tuu mit tëm eewiches leepe im himel host.

Wayl Kot ti wëlt soo keliipt hot, tas Ëyer sayn eensiche Soon këp hot, tas yeete eene woo aan tëm klaapt, nët fernicht wërt, awer tas eewiche leepe kriit. João 3:16

Tee wil tas tuu een raych un sinful leepe mit tëm host.

Te tiif khomt ploos fer se xteele, um pringe un fernichte. Ich sin khom tas se leepe hon, un tas se tas in fol leepe hon. João 10:10

Trots tas, fiile layt tuun net een sinful leepe hon un sin net sicher op se tas eewiche leepe hon wayl...

2. Te mën x is fon natuer sintlich. Tës weeche, is ëyer fon Kot ap naner këp.

Wayl al hon kesint un sin wayt fon Kot sayn hërlichkheet khom;
Romaans 3:23

Wayl ti liip tsum këlt is ti wortsel fon ale xlëchte... 1 Timóteo 6:10

Te loon fon te sint is te toot.

Wayl te loon fon te sint is te toot... Romanos 6:23

Ti Piipel pexraypt tswaay sorte toote:

- Fiisixe toote

Un soo wii es pextimt is fer ti mënxe een mool se xtërpe, un noo tēm, tas kericht: Hebreus 9:27

- Te kaystlich toot orer ti eewichkheet fon Kot in te hëlle

Awer tii woo pang hon, ti unklaupich, ti apxayliche, ti toot woo ti hëkseray mache, ti hëkser woo ti hëkseray mache, ti itolatrii un ti kanse liie, hon sayn teel im meer woo mit fayer un xwewel prënt, woo te tsweete toot is. Apocalypse 21:8

Wën te mën x weeche sayn sint fon Kot wëch këpt, was is ti antwort fer tiise propleem? Meyer tenke oft tas ti antworte sin: ti relichioon, ti kuute aarwayte un ti kuute maniere.

Awer es kept ploos een antwort fon Kot.

3. Yeesus Kristus is te eensiche weech tsum himel.

Tas is Kot sayn auslëyung.

Yeesus hot tëm kesaat: “Ich sin te weech, ti woerheet un tas leepe.”

Nimant khomt tsum fater wën nët torich mich. João 14:6

Tee hot ti kans xtroof fer unsere sinte petsaalt.

Wayl Kristus is aach een mool fer ti sinte kextorep, te kerechte fer ti unkerechte, tas Ëyer uns tsu Kot nēme khēnt, un is im flayx um keprung kēp, awer is torich te kayst leepe keprung kēp: 1 Pedro 3:18

In tēm hon mer ti frayheet torich sayn pluut, ti fertsayung fon unsere sinte, torich te raychtum fon sayn unfertiint kuutheet. Efésios 1:7

Ëyer hot ti ferxprēche fon eewiche leepe.

Weer aan te Soon klaapt, hot eewiches leewe, awer weer net an te Soon klaapt, tuut net tas leewe siin; awer Kot sayn wuut tuut iwer tēm plaype. João 3:36

Wayl te loon fon te sint is te toot; awer tas kexēnk fon Kot is eewiches leepe torich Yeesus Kristus, unser Hēr. Romaans 6:23

4. Mëyer mise aan Yeesus Kristus klaape fer se rëte.

Unser rëtung is torich Kot sayn unfertiint kuutheet, torich te klaape aan Yeesus Kristus.

Wayl torich te unfertiint kuutheet sin tëyer kerët torich te klaape; un tas is nët fon aych sëlepst, awer is Kot sayn kexënk, nët fon ayre aarwayte, tas nimant sich hoochmuutiche khënt.
Efésios 2:8-9

Wayl, yeete eene te Hër sayn naame aan ruufe tuut, wërt keret.
Romaans 10:13

Sinter's Kepeet

Tuu tas mit klaape peete:

Hër Yeesus, tanke xeen tas tuu mich liipe tuust. Ich erkhëne tas ich en sinter sin un ich ferlange tayn fertsayung. Tanke xeen fer tayn toot uf em krayts, tayn toot, un tayn ufxtaye fom toot fer al mayn sinte se petsaale. Ich fertraue uf tich wii mayn Hër un Reter. Ich nëme tayn kexënk fom eewiche leewe aan un ich këwe mayn leewe fer tich. Helf mich al tayn kepoote aan heere un tich froo lose. Amen.

Wëns tuu aan Yeesus Kristus ketrout host, is tas folek mit tich pasiirt:

- Yets, host tuu tas eewiche leepe pay Kot.

Tas is te wile fon tee woo mich kexikt hot: tas yeete eene woo te Soon siit un aan tēm klaapt, eewiches leepe hon, un ich tuun tee fom toot uf ruufe am letste taach.” João 6:40

- Al tays sinte sin petsaalt un fertsayt këp.

(ferkangheet, hayt tsu taach, tsukhunft)

Awer Yeesus, noo tas Yeesus een eenlich offer fer ti sinte keprung hot, hot sich uf Kot sayn rächts sayt kesëtst. Hebreus 10:12

- Tuu pist een nay kriatsioon foer Kot. Es is te aanfang fon tayn nay leepe.

Wën yemant in Kristus is, is tee een nay kriatsioon. Kuk, ale tinge sin nay këp. 2
Coríntios 5:17

- Tuu pist een khint fon Kot kep.

Awer tii woo tee aan kenom hon, hot Ëyer ti macht kep fer Kot sayn khiner wëre,
tii woo aan sayn naame klaape: Yoohan 1:12

Kuute aarwayte sin net een weech fer uns se rëte, awer een pewaysung orer
frucht fon unser rëtung.

Wayl mëyer sin Kot sayn aarwayt, kemacht këp in Kristus Yeesus fer kuute
aarwayte se mache, woo Kot foer heyer in richte tuut tas mëyer in tëne leepe
sole. Efésios 2:10

Kot seechen tich!